

Lan-eskaintzen erregistroa 2020ko maiatzean


ERREGISTRATUTAKO LAN-ESKANTZA KOPURUA

2020ko maiatzean Euskal Autonomia Erkidegoko enplegu-bulegoetan erregistratutako lan-eskaintzen kopurua 413 izan da, apirilean baino 193 gehiago eta joan den urteko maiatzean baino 1.213 gutxiago. Egunean batz bestez 20 eskaintza erregistratu dira, aurreko hilean baino 8 eskaintza gehiago egunean. Hilabete honetako datuak ezin dira ulertu Covid-19ak sortutako krisia eta ondorengo alarma egoera kontuan izan gabe. Hala ere, datuak apirilean baino hobeagoak dira; hori dela eta, hilabete arteko portzentaia igoera altua da kasu askotan, abiapuntua oso baxua baita.

• LURRALDE HISTORIKOAK

Kudeaketako Administrazio Unitatearen (KAU) lurralde historikoari erreparatuz, 2020ko maiatzean 68 lan-eskaintza erregistratu dira Araban, 146 Gipuzkoan eta 199 Bizkaian. Lan-eskaintzen % 48,2 Bizkaiko KAUetan erregistratu dira, % 35,3 Gipuzkoan eta % 16,5 Araban.

Eskaintzaren Lurralde Historikoa



Aurreko hilabetearekin alderatuz, Araban % 106,1 hazi dira eskaintzak (35 eskaintza gehiago), Gipuzkoan % 94,7 hazi dira (71 eskaintza gehiago) eta Bizkaian eskaintza igoera % 77,7koa izan da (87 eskaintza gehiago).

Aurreko urteko hilabete berberarekin alderatuz, Araban 189 eskaintza gutxiago erregistratu dira, % 73,5eko murrizketa; Gipuzkoan eskaintza kopurua 502an jaitsi da, % 82,9ko murrizketa, eta azkenik, Bizkaian 525 eskaintza gutxiago izan dira, % 72,5eko murrizketa.

• LAN-ESKANTZAKO LANBIDEA

Bost lanbide-profilek biltzen dituzte EAEn erregistratutako lan-eskaintza gehienak. 4 eskaintzeko 1 industriako lanbide-profilerako erregistratu da (79 eskaintza); zerbitzuetako langileen lanbide-profilak jarraitzen dio (76 eskaintza). Zientzia teknikarien lanbide-profilek, okupazio ez kualifikatuenak eta laguntzarako teknikarienak, ere, pisu nabarmena dute erregistratutako lan-eskaintzetan; 71, 68 eta 49 eskaintza erregistratu dira, hurrenez-hurren. Lan-eskaintza gutxien erregistratu diren profilak zuzendariena eta lehen sektorekoa izan dira, 4 eta 5 eskaintza, hurrenez hurren.

Aurreko hilabeteko datuekin alderatuz, eskaintza guztiak igo dira, lehen sektorekoak izan ezik; horiek berdin geratu dira (5 eskaintza). Balore absolutuetan industriako profilekoak izan dira gehien hazi direnak (40 eskaintza gehiago, % 102,6ko hazkundera). Gehien hazi diren eskaintzak, balore erlatiboetan, administrari profilekoak izan dira (% 241,7ko hazkundera, +29 eskaintza).


Urte arteko saldoari erreparatuz, eskaintza guztiak jaitsi dira. Zerbitzu profileko eskaintzak izan dira gehien murriztu direnak balore absolutuetan (296 eskaintza gutxiago, % 79,6ko murrizketa), balore erlatiboetan, aldiz, lehen sektorekoak izan dira (%85,7ko murrizketa, 30 eskaintza gutxiago).

Lan-eskaintzen erregistroa 2020ko maiatzean

• K O N T R A T U M O T A

Erregistratutako lan-eskaintzen % 11,1ek kontratu mugagabea eskaini dute; % 87,7k, aldi baterakoa, eta, gainontzeko % 1,2k, merkataritzakoa. Balio absolutuetan, kontratu mugagabeen eskaintzak 46 izan dira, 24 gehiago aurreko hilabetearekin alderatuz, % 109,1eko hazkundea. Aldi baterako kontratuak eskaini dituzten 167 eskaintza gehiago erregistratu dira: 362 eskaintza izan dira guztira. Kopuru erlatiboetan hazkundea % 85,6koa izan da. Azkenik, merkataritzako kontratuen eskaintzak 2020ko maiatzean 5 izan dira, aurreko hilean baino 2 gehiago.

Urte arteko saldoari dagokionez, kontratu mugagabeen eskaintzak 146 gutxiago izan dira (%76ko murrizketa), aldi baterako kontratuen eskaintzak %74,7 murriztu dira; 1.069 eskaintza gutxiago, eta, merkataritzako kontratuak, aldiz, 1 gutxiago izan dira.




• E S K A T U T A K O E S P E R I E N T Z I A - D E N B O R A

2020ko maiatzean erregistratutako lan-eskaintzen 2 heren baino gehiagok (272 eskaintza) 0tik 6 hilabetera arteko esperientzia minimoa eskatzen dute. Eskaintzen % 16k (66) esperientzia-denbora luzeagoa eskatzen du, 6 hiletik 12ra artekoa. Portzentaia txikiagoak dituzte esperientzia-denbora luzeagoak eskatzen dituzten eskaintzek; 3 urtetik 5 urtera eskatzen dutenek eta 5 urtetik gorako esperientzia eskatzen dutenek; lehenengoek % 4,1eko pisua dute (17 eskaintza) eta 5 urtetik gorakoen kasuan, aldiz, eskaintza bakarra izan da hilabete honetan.

Hilabete arteko eboluzioari dagokionez, eskaintza mota guztiak hazi dira. Gehien hazi direnak, balore erlatiboetan, 3 eta 5 urte bitarteko esperientzia eskatzen dutenak izan dira (% 240ko igoera, eskaintza 12 gehiago); balore absolutuetan, aldiz, 0 eta 6 hilabete arteko esperientzia eskatzen dutenak izan dira hazkunde handiena jasan dutenak (121 eskaintza gehiago, % 80,1eko igoera).

Urte arteko eboluzioari dagokionez, bilakaera ondorengoa izan da: eskaintza guztiak murriztu dira eskatutako esperientzia denbora edozein izanda ere. Gehien murriztu diren eskaintzak 0 eta 6 hilabete arteko esperientzia eskatzen dutenak izan dira balore absolutuetan (903 eskaintza gutxiago, %76,8ko murrizketa); balore erlatiboetan, aldiz, 5 urtetik gorako esperientzia eskatzen dutenak izan dira (% 83,3 murrizketa, 5 eskaintza gutxiago).

Erregistratutako eskaintzek, batez beste, 9 hileko esperientzia eskatzen dute.




Lan-eskaintzen erregistroa 2020ko maiatzean

• LANALDI MOTA

Analisiarekin hasi baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 13,8k zehazten du datu hori (413 eskaintzetatik 57). 57 eskaintza horietatik, 45 lanaldi osoa eskaintzen dutenak izan dira, eta, gainontzeko 12ak, lanaldi partziala eskaini dute.

Eboluzioari dagokionez, lanaldi osoko eskaintzak 30 gehiago izan dira apirilarekin alderatuz, hau da, %200 hazi dira. Lanaldi partzialeko eskaintzak 5 gehiago izan dira; hazkunde erlatiboa % 71,4koa izan da.



Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 163 gutxiago izan dira (% 78,4ko murrizketa), eta lanaldi partzialeko 62 eskaintza gutxiago erregistratu da (% 73,6ko murrizketa).

• ALDI BATERAKO LANERAKO ENPRESAK (ABLE)


Erregistratutako eskaintzen % 0,2 izan dira ABLEen bitartez kudeatu direnak, 413 eskaintzetatik 1, aurreko hilean bezala.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 86,7k ez du zehazten zein den eskatutako prestakuntza maila minimoa: 413 eskaintzetatik 55ek soilik zehaztu dute.

55 eskaintza horietatik, 19k unibertsitateko prestakuntza maila eskatu dute (%34,5); gehien eskatu den prestakuntza maila izan da. Horiei jarraituz, LHko ikasketak eskatzen dituzten eskaintzak daude, 18 eskaintza. Ondoren, oinarritzko ikasketak eskatzen dituztenak daude 17 eskaintzekin. Azkenik, batxilergoko ikasketak eskatzen dutenak daude, eskaintza batekin, erregistratzeko orduan adierazle hau zehaztu duten 55 eskaintzen artean.

Eskatutako gutxieneko prestakuntza maila



Hilabete arteko erlazioari erreparatuz, murriztu den eskaintza bakarra batxilergoko mailari dagokiona izan da (-1). Gehien hazi diren eskaintzak, balore absolutuetan, unibertsitateko ikasketak eskatzen dituztenak izan dira (12 eskaintza gehiago, %171,4ko hazkundera); balore erlatibotetan, aldiz, derrigorrezko ikasketak eskatzen dituztenak izan dira (% 183,3ko hazkundera, 11 eskaintza gehiago).

2019ko maiatzarekin alderatuz, eskaintzak mota guztiak murriztu dira. Gehien murriztu direnak balore absolutuetan LHko ikasketak eskatzen dituztenak izan dira (82 eskaintza gutxiago, % 82ko

Lan-eskaintzen erregistroa 2020ko maiatzean

jaitsiera); balore erlatiboetan batxilergoko ikasketak eskatzen dituztenak izan dira (%90,9ko murrizketa, 10 eskaintza gutxiago).

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen diren jarduerak manufaktura-industria, merkataritza eta eraikuntza, dira, eskaintzen %16,5eko, % 14,3ko eta %12,8ko pisuarekin, hurrenez-hurren (68, 59 eta 53 lan-eskaintza 413 eskaintza guztietatik, hurrenez-hurren).

Aurreko hilari erreparatu gero, gehien hazi diren eskaintza motak, balore absolutuetan, merkataritza eta industriakoak izan dira (37 eskaintza gehiago 2 kasuetan, %168,2 eta %119,3ko hazkundeak). Balore erlatiboetan, aldiz, lehen sektoreko eskaintzak izan dira (% 1.000ko hazkuntza, 10 eskaintza gehiago).

Urte arteko saldoari erreparatu, eboluzio okerreana pairatu duten eskaintzak, balore absolutuetan, industriakoak izan dira (194 eskaintza gutxiago, % 74ko murrizketa); aldiz, balore erlatiboetan, artistikoak eta entretenimenduzko eskaintzak izan dira gehien murriztu direnak (% 100eko murrizketa, iaz 19 eskaintza aurreko bat bera ere ez).

Eskaintzaren jardura

